



Nunavut Tunngavik Timinga

UKIUMUT KATIMARYUAQNIQ

Kangiqhiniq, Nunavut

Nuvampa 27-30, 2007

Piquyivungaarut # A07-11-05
Mikhilaagut

Ukiutaqturmiunut Taksiiyautainnik

Pigiaktittiuq: Thomasie Alikatuktuk

Tuglirhiuq: David Matu

IMAINMAT Ukiutaqturmiunut Taksiiyautainnik Mikhilaagut pinnguqtitauhimangmat 1987-mi;

IMAINMAT kaffiunia Ukiutaqturmiunut Taksiiyautainnik Mikhilaagutip kulvaqtitauhimangmat tavanga 1987-mit;

IMAINMAT Naunaiyaiyit Kanatami naunaiqingmata kulvaqnianik Niuviqtauvaktut Akiit 1987-mit 2007-mut kulvaqtut 63%-kut;

IMAINMAT inuuniup Nunavunmi nalauttaqhimangmat 75%-mik kulvahitqiyaupluni Kanatami itquhianit;

IMAINMAT Kavamanga Kanataup Aktupami tuhaqtittingmata inuit inmingnut, kuapurisanut niuviqtunullu taaksiit mikhilaatauniinnik, kihimi huli allannguhimangmata Ukiutaqturmiunut Taksiiyautainnik Mikhilaagut;

IMAINMAT Nunavut Maniliugahuarnikkut Katimaniq parnaiyaikmata uqariyauyukhamik titigarmik mighaagut Ukiutaqturmiunut Taksiiyautainnik Mikhilaagut;

IMAINMALLU Nunavut Tunngavik Timingata ihivriuhimangmatjuk Nunavut Maniliugahuarnikkut Katimaniup uqariyauyukhaliugaat titiqqat atuliqujtutailu, angiqhimahimaaliqmatjuk;

HADJA TALVANGA IMAILLI:

1. NTI-aip ikayuqtuqtait turangayut atuliquyahimayut Nunavut Maniliugahuarnikkut Katimanitkunit, imaalluaq:
 - a) Ukiutaqturmiunut Taksiiyautainnik Mikhilaagut kulvaqtitauli tunngavigilugit atauttimukpaliayut akittuutit 1987-mit talvanganu aularutilutik;
 - b) Ukiutaqturmiunut Taksiiyautainnik Mikhilaagut kulvaqtitauli ihuaqtumik kiutjutauyangani akituvallaaqnianut inuuniup Nunavunmi;

- c) Ukiutaqturmiunut Taksiiyautainnik Mikhilaagut pivaalliqtitauli maniliuqluanngittunut ikayuqtuqtauvanngittunut tingmitjutitigut pittaliqplugillu Kavamatuqatkunit Pivikhautinit ukuatut GST-mit Taaksiyaunmik, Nutaqqanut Taaksiyaunmik, Iglutuutinullu Ikayuutikhamik;
- d) Ukiutaqturmiunut Taksiiyautainnik Mikhilaagut kulvaqtitauli pinnaqtumik atjigiiktitaunirmik taaksiyaunmik ukiuqtaqturmiunut pivaktunik akiliuhiaganik ikayuutikhaniglu atuqtauyukhanik akitunianut inuuniup;
- e) Ukiutaqturmiunut Taksiiyautainnik Mikhilaagut tautuktauli atahiqtitut hanagultikhatut ikayuutikhak nauvallianianut Nunavunmi havaktikhainnut pivaalliutauniaqtumik tamaanut maniliugahuarnianut aviktuhimayup Kanatauplu.

NTI titigaqhimayutigut tuhaqtittilit allannguqtauyariaqarnianik, naunaiqtauyutut, taffumuga Ukiutaqturmiunut Taksiiyautainnik Mikhilaagut aviktuhimayunut turangayunut havarvinut timiinnullu Kavamangata Kanataup, Maligaliqutiyyanut, Senator-nut Kavamanganullu Nunavut, allanullu ilauyumaniaqtunut haffuma mighaanut, qanuriliuqlutiglu pinahuarlutik allannguqtirutinik.

Naammaguhuktut: 46
Naammaguhunngittut: 0
Vutinngittut: 0

Ubluq: Nuvampa 29, 2007

Qanngiqtuq: X
Qannginngittuq: